

গণপ্রজাতন্ত্রী বাংলাদেশ সরকার
পরিকল্পনা মন্ত্রণালয়
বাস্তবায়ন পরিবীক্ষণ ও মূল্যায়ন বিভাগ
শেরে বাংলা নগর, ঢাকা-১২০৭।
www.imed.gov.bd

পরিদর্শন প্রতিবেদন (চলতি প্রকল্প)

পরিদর্শনের তারিখ: ২৪ জানুয়ারি, ২০১৬।

১. প্রকল্পের/অপারেশনাল প্লানের নামঃ “Maternal, Child, Reproductive & Adolescent Health (MCRAH).”
২. মন্ত্রণালয়/বিভাগ/সংস্থাঃ পরিবার পরিকল্পনা অধিদপ্তর।
সেক্টর কর্মসূচীর নামঃ স্বাস্থ্য, জনসংখ্যা ও পুষ্টি সেক্টর উন্নয়ন কর্মসূচী (HPNSDP)
উদ্যোগী মন্ত্রণালয়/বিভাগঃ স্বাস্থ্য ও পরিবার কল্যাণ মন্ত্রণালয়।

৩. অপারেশন প্লানের পটভূমি ও উদ্দেশ্যঃ

৩.১ পটভূমিঃ

নিরাপদ মাতৃত্ব ও জীবিত নবজাতক এবং শিশু স্বাস্থ্য সেবা সরাসরি জনসংখ্যা বৃদ্ধির সাথে সম্পর্কিত। পরিবার থেকে নিরাপদ মাতৃত্ব ও জীবিত নবজাতকের সেবার নিশ্চয়তা পাওয়া গেলে জন্ম নিয়ন্ত্রণ সম্ভবপর হবে। এ বিবেচনা থেকে পরিবার পরিকল্পনা অধিদপ্তর ১৯৭৫ সাল থেকে মাতৃ ও শিশু স্বাস্থ্য কেন্দ্রিক পরিবার পরিকল্পনা কার্যক্রম গ্রহণ করেছে। মাতৃ ও শিশু মৃত্যু হার হ্রাসকরণের লক্ষ্যে একই কেন্দ্র হতে মাতৃ স্বাস্থ্য এবং পরিবার পরিকল্পনা সেবা প্রদান কর্মসূচী প্রণয়ন করা হয়েছে। পরবর্তীতে ইউনিয়ন পর্যায়ে ইউনিয়ন স্বাস্থ্য ও পরিবার কল্যাণ কেন্দ্র হতে কার্যক্রম পরিচালনার জন্য “Strengthening of MCH Service” প্রকল্প গ্রহণ করা হয়। সেবা কেন্দ্র হতে মূল সেবা প্রদানকারী হিসেবে পরিবার কল্যাণ পরিদর্শিকা মুখ্য ভূমিকা পালন করে থাকে। MCH কর্মসূচীর মাধ্যমে গর্ভবতী মহিলাদের নিরাপত্তা প্রদানের পাশাপাশি স্বল্প ও দীর্ঘমেয়াদি জন্মবিরতিকরণ পদ্ধতি গ্রহণে প্রণোদিত করা হয়। কমিউনিটি পর্যায়ে উক্ত সেবা বিকেন্দ্রিকরণের নিমিত্ত পরিবার কল্যাণ পরিদর্শিকা কর্তৃক স্যাটেলাইট ক্লিনিক পরিচালনা করা হয়ে থাকে। বর্তমানে দেশে ৩৮২৭টি ইউনিয়ন স্বাস্থ্য ও পরিবার কল্যাণ কেন্দ্র পরিচালিত হচ্ছে এবং প্রতি মাসে ৩০০০০ স্যাটেলাইট ক্লিনিক আয়োজন করা হচ্ছে। মাতৃ ও শিশু স্বাস্থ্য সেবা কার্যক্রম গতিশীল করার লক্ষ্যে সেবা গ্রহীতার দোরগোড়ায় পৌঁছানো এবং কমিউনিটি পর্যায়ে নিয়ে যাওয়ার কৌশল গ্রহণ করা হয়। HPSP এর পূর্বে “Traditional Birth Attendants (TBA) Training Project” এবং “Community Participation in National FP-MCH (Depo-holder) Project” শীর্ষক দুটি প্রকল্প গ্রহণ করা হয়। প্রথাগত দাত্রীগণের আচরণগত পরিবর্তন, দক্ষতা ও অনুশীলনের উন্নয়নের মাধ্যমে গ্রামীণ এলাকায় নিরাপদ শিশু জন্ম সেবা প্রদান করাই ছিল TBA প্রকল্পের উদ্দেশ্য। অন্যদিকে কাছাকাছি সেবাকেন্দ্রে/মাঠকর্মীর নিকট মাতৃ ও শিশু স্বাস্থ্য সেবা গ্রহীতাকে প্রেরণে উৎসাহদানের লক্ষ্যে “Female Volunteers” তৈরী করা ছিল “Community Participation in National FP-MCH (Depo-holder) Project” শীর্ষক প্রকল্পের উদ্দেশ্য।

১৯৯৮ সালে HPSP শুরু হওয়ার পর থেকে অপারেশনাল প্লানের আওতায় ১৯৯৮-২০০৩ সময়ে কেবলমাত্র সংশ্লিষ্ট প্রকল্পের কার্যক্রম পরিচালনা হয়ে আসছে। উল্লিখিত ০৩টি প্রকল্পের আওতায় এর জনবলের মাধ্যমে ব্যাপকভাবে প্রজনন স্বাস্থ্য সেবা কার্যক্রম পরিচালিত হয়। উক্ত সময়ে প্রজনন স্বাস্থ্য সেবা সংক্রান্ত ০৩টি কর্মসূচী-“Maternal Health Service”, “Maternal Nutrition and Adolescent Health Services” এবং “Support Services and Coordination” পরিচালিত হয়। HPSP সময়ে উপজেলা পর্যায়ে মা ও শিশু কল্যাণ কেন্দ্রে প্রজনন ও প্রসূতি সেবা প্রদানের নিমিত্ত Emergency Obstetric Care (EOC) সেবা কার্যক্রম পরিচালনা করা হয়। বর্তমানে ১০-২০ বেডের ৭০টি মা ও শিশু কল্যাণ কেন্দ্রে প্রশিক্ষিত ডাক্তার ও পরিবার কল্যাণ পরিদর্শিকা দ্বারা সপ্তাহে ০৭দিন ২৪ ঘন্টা Comprehensive EOC সেবা প্রদান করা হচ্ছে। এ সেক্টরে সেবা প্রদানকারীদেরকে উন্নয়ন খাত হতে রাজস্ব খাতে স্থানান্তরের মাধ্যমে সেবা প্রদানে আমূল পরিবর্তন আনা হয়েছে। ইতোপূর্বে ৮০% এর বেশি ডেলিভারী অদক্ষ ব্যক্তির মাধ্যমে বাড়ীতে সম্পন্ন করার কারণে উচ্চ মাতৃ মৃত্যু হার পরিলক্ষিত হতো। এ পর্যবেক্ষণের প্রেক্ষিতে HN:SP সেক্টর উন্নয়ন কর্মসূচীতে মহিলা স্বাস্থ্য সহকারী ও পরিবার কল্যাণ সহকারীদেরকে গৃহ পর্যায়ে দক্ষ প্রসূতি সেবা প্রদানের বিষয়ে প্রশিক্ষণ প্রদান করা হয় এবং ইউনিয়ন স্বাস্থ্য ও পরিবার কল্যাণ কেন্দ্রে দক্ষ সেবা প্রদানের নিমিত্ত পরিবার কল্যাণ



পরিদর্শকাদেবকে প্রসূতি সেবা বিষয়ে প্রশিক্ষণ প্রদান করা হয়। বর্তমানে গৃহ পর্যায়ে এবং সেবা কেন্দ্রে নিরাপদ প্রসূতি সেবাদানে ১৪৪১টি ইউনিয়ন স্বাস্থ্য ও পরিবার কল্যাণ কেন্দ্র আপগ্রেডেড করা হয়েছে এবং ১৪৯৪জন পরিবার কল্যাণ পরিদর্শিকা ও ৬৪০২ জন দক্ষ দাত্রীকে প্রশিক্ষণ প্রদান করা হয়েছে। বর্তমানে ঢাকার আজিমপুরস্থ MCHTI, মোহাম্মদপুরস্থ MFSTC, রাজশাহীস্থ MCH unit of FWVTI এবং উপজেলা পর্যায়ে ৭০টি মা ও শিশু কল্যাণ কেন্দ্র Emergency Obstetric Care (EOC) সেবা প্রদান করা হচ্ছে। কার্যকর সেবা প্রদানের নিমিত্ত জেলা/উপজেলা পর্যায়ে সাথে সংযোগ স্থাপন করা হবে। সরকারের নির্ধারিত সকল শ্রেণীর জনসংখ্যাকে স্বাস্থ্য সেবার আওতায় আনার লক্ষ্যে প্রয়োজনীয় জেলা ও উপজেলা পর্যায়ে স্বাস্থ্য সেবা কেন্দ্রের সঠিক ব্যবহার হচ্ছে না। অর্থাৎ স্বাস্থ্য সেবা খাতের দক্ষতা ও গুণগত মান নিশ্চিত করা হচ্ছে না। সেবা প্রদানের ক্ষেত্রে উদ্যোগ গ্রহণ করা হলেও সেবাগ্রহণকারীরা তা উপলব্ধি করতে না পারার কারনেও সকল প্রচেষ্টা ব্যাহত হচ্ছে। পূর্বের বাস্তবায়িত সেক্টর উন্নয়ন কর্মসূচীর প্রতিবন্ধকতাসমূহ চিহ্নিত করে প্রশিক্ষণ ও প্রয়োজনীয় জনবলের অভাব নির্ধারণ করা হয়েছে। এ সকল প্রতিবন্ধকতা প্রতিহত করে ভিশন-২০২১ এর আলোকে MDGs এর ৪ ও ৫ নং Goals & Target অর্জনের নিমিত্ত আলোচ্য অপারেশনাল প্ল্যানটি প্রণয়ন করা হয়েছে। অপারেশন প্ল্যানটি বাস্তবায়নের মাধ্যমে চলমান সেবা কার্যক্রমের ঠেকসই উন্নয়ন এবং সরবরাহ ও সেবা খাতের বিস্তারের পাশাপাশি সেবা গ্রহীতা ও সেবা কেন্দ্রের মধ্যে সামাজিকতা সাধনের নিমিত্ত কমিনিউটির চাহিদা বিবেচনায় সেবা প্রদান কার্যক্রম পরিচালনার উদ্দেশ্য অর্জনের প্রচেষ্টা গ্রহণ করা হয়েছে।

৩.২ অপারেশন প্ল্যান এর মূল উদ্দেশ্যঃ

ভিশন-২০২১ এর আলোকে MDGs এর ৪ ও ৫ নং Goals অর্জনের নিমিত্ত দক্ষ সেবা প্রদানকারীর মাধ্যমে সুযোগ সুবিধা নিশ্চিত করে শিশু স্বাস্থ্য, মাতৃত্বকালীন স্বাস্থ্য সেবা প্রদান করা।

Specific উদ্দেশ্যঃ

- বাড়ীতে এবং স্বাস্থ্য কেন্দ্রে নিরাপদ প্রসূতি সেবা নিশ্চিত করা।
- কিশোর ও কিশোরীদের স্বাস্থ্য সেবা নিশ্চিত করা।
- জনগণকে পুষ্টিগুণ বিবেচনায় স্বাস্থ্য সেবা প্রদান নিশ্চিতকরণ।
- MR, PAC, VIA & CBE, Fertility Care সেবা প্রদান করা।
- গুণগত মানসম্পন্ন স্বাস্থ্য সেবা নিশ্চিতকরণে সেবা প্রদানকারীদেরকে প্রশিক্ষণ প্রদান করা।
- সমাজে এবং স্বাস্থ্য সেবা কেন্দ্রে সেবা প্রদানের সহায়ক উপকরণ সরবরাহ করা।
- সেবা কেন্দ্রসমূহের ছোট খাট মেরামত ও রক্ষণাবেক্ষণ করা।
- কর্মসূচীতে সর্বোত্তম পছন্দের উদ্ভাবন করা।
- মানসম্পন্ন স্বাস্থ্য সেবা প্রদানে কর্মসূচীর কার্যক্রমের পরিবীক্ষণ ও তত্ত্বাবধান করা।

৪. প্রকল্প এলাকাঃ সমগ্র বাংলাদেশ।

৫. বাস্তবায়নকালঃ
(ক) মূলঃ জুলাই ২০১১ হতে জুন ২০১৬

৬. প্রাক্কলিত ব্যয়ঃ

বিবরণ	মোট	টাকা	প্রকল্প সাহায্য	(লক্ষ টাকা) আরপিএ
(ক) মূল অনুমোদিতঃ	৮৭৯০৪.০০	২০০১৫.০০	৬৭৮৮৯.০০	৩৮৩৯৮.০০

৭. প্রকল্প সাহায্য সংক্রান্ত তথ্যঃ

- (ক) দাতা দেশ/ সংস্থার নামঃ Pool, JICA, NUFPA, DFID, WHO & EC
- (খ) প্রকল্প সাহায্যের পরিমাণঃ ৬৭৮৮৯.০০ লক্ষ টাকা।
(দাতার কারেপ্সিতে)
- (গ) সাহায্যের ধরণঃ ঋণ
(অনুদান/ঋণ/সরবরাহ ঋণ)

৮. প্রকল্পের অনুমোদন অবস্থাঃ

স্বাস্থ্য, জনসংখ্যা ও পুষ্টি সেক্টর উন্নয়ন কর্মসূচীর পিআইপি গত ২৩.০৮.২০১১ তারিখে একনেক কর্তৃক এবং অপারেশনাল প্ল্যান গত ১২.১০.২০১১ তারিখে অনুষ্ঠিত স্ট্র্যাটিং কমিটি'র সভায় অনুমোদিত হয়। অনুমোদিত অপারেশনাল প্ল্যান এর মোট প্রাক্কলিত ব্যয় ৮৭৯০৪.০০ লক্ষ টাকা এর মধ্যে জিওবি ২০০১৫.০০ লক্ষ ও প্রকল্প সাহায্য ৬৭৮৮৯.০০ লক্ষ টাকা এবং বাস্তবায়ন মেয়াদ জুলাই ২০১১ হতে জুন ২০১৬ পর্যন্ত।



